

BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
KANTONALNO TUŽILAŠTVO
ZENIČKO - DOBOJSKOG KANTONA

Broj: T04 0 KT 0055438 23
Zenica, 07.04.2026. godine

OPĆINSKI SUD U TEŠNJU
-Sudiji za prethodno saslušanje-

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku Federacije Bosne i Hercegovine (ZKP F BiH), p o d i ž e m,

OPTUŽNICU

Protiv:

A. K., neosuđivan,

da je:

dana 30.09.2023. godine, oko 15,20 sati, na području općine T., u mjestu N., upravljajući putničkim vozilom ..., reg. oznaka ..., iz nehata, kao učesnik u saobraćaju na putevima ne pridržavajući se saobraćajnih propisa time tako ugrozio javni saobraćaj da je doveo u opasnost život ljudi uslijed čega je prouzrokovana teška tjelesna ozljeda jedne osobe, na način da je, krećući se lokalnim putem ... iz smjera T. prema T., pod uticajem opojnih sredstava - „amfetamina“, preduzeo radnju preticanja vozilom, a da se prethodno nije uvjerio da to može učiniti bez opasnosti za druge učesnike u saobraćaju ili imovinu i ne vodeći pri tome računa o položaju vozila i pravcu i brzini kretanja, svjestan da zbog toga može nastupiti zabranjena posljedica, ali je olako držao da ona neće nastupiti ili da će je moći spriječiti, pa je postupajući suprotno odredbama iz člana 36. stav 1. Zakona o osnovama bezbjednosti saobraćaja na putevima BiH, vozeći tako u mjestu N., preduzeo radnju preticanja putničkog vozila ispred sebe marke ... reg. oznaka ..., kojim je upravljao A. M.i tom prilikom prešao na lijevu saobraćajnu traku, ostvarivši tako kontakt lijevom prednjim dijelom svog vozila ... sa prednjim dijelom motocikla marke ... reg. oznaka ..., kojim je upravljao P.P.i koje se kretalo suprotnom saobraćajnom trakom u smjeru T., na koji način je ugrozio bezbjednost saobraćaja, uslijed čega je došlo do slijetanja motocikla sa kolovoza i pada P. P. u kanal pored puta, koji je tom prilikom zadobio teške tjelesne povrede konstatovane u KB Zenica u vidu polytraume, preloma gornjih članaka na prvom, drugom, trećem, četvrtom i petom prstu lijeve šake, preloma palčane kosti lijevo na tipičnom mjestu, preloma lijeve natkoljenice, nagnječno-razderotinske rane lijeve potkoljenice, te je ostvario kontakt prednjim desnim dijelom svog vozila ... sa zadnjim lijevom dijelom preticanog vozila ... kojim je upravljao A. M., uslijed čega je došlo do zanošenja vozila ... i slijetanja u kanal pored puta, kojom prilikom je A. zadobio lake tjelesne povrde u vidu istegnuća mišića vrata,

dakle, iz nehata, kao učesnik u saobraćaju na putevima ne pridržavajući se saobraćajnih propisa time tako ugrozio javni saobraćaj da je doveo u opasnost život ljudi uslijed čega je prouzrokovana teška tjelesna povreda jedne osobe,

čime bi počinio krivično djelo „Teška krivična djela protiv sigurnosti javnog saobraćaja“ iz člana 336. stav 3. u vezi člana 332. stav 3. u vezi sa stavom 1. Krivičnog zakona Federacije Bosne i Hercegovine (KZ F BiH).